

Til aðildarfélaga A.S.I.

Á ráðstefnu um kjör láglaunakvenna¹⁾ sem haldin var á Hótel Loftleiðum 16. maí 1976, var gerð eftirfarandi ályktun:

"Ráðstefnan fordæmir þá breytingu, sem gerð var á lögunum um þáttöku ríkisins í stofnum og rekstri dagvistunarstofnana, að fella niður hlutdeild ríkissjóðs í rekstrar-kostnaði stofnananna og telur það stórt skref aftur á bak. Ráðstefnan telur, að varanleg lausn á uppbyggingu nægilega margra dagvistunarstofnana fáiast ekki nema ríki og sveitarfélög stofni þau og reki eins og aðrar uppeldisstofnanir eins og skóla þjóðfélagsins, svo öll börn geti átt aðgang að þeim. Ennfremur telur ráðstefnan æskilegt, að stéttarfélagin beiti sér fyrir því, að tekið verði inn í kjarasamninga þeirra, að atvinnurekendur greiði ákveðið gjald í byggingarsjóð dagvistunarstofnana til að flýta fyrir framkvæmdum."

Í framhaldi af þessari ályktun var stofnaður undirbúningsstarfshópur til að skipuleggja kynningu á dagvistunarheimilum í fjölmiðlum og vinna að því að fá ákveði inn í kjarasamninga um ákveðna greiðslu í dagvistunarsjóð.

Við viljum minna á yfirlýsingu, sem gerð var í febrúar 1974 og hljóðar svo:

"Samningsaðilar eru sammála um að beita sér fyrir því, að þjónusta barna- og skólaheimila verði aukin og framkvæmd þannig, að þau nýtist starfsfólki við framleiðslustörf betur en nú er.

Reykjavík, 26. febrúar 1974.

F.h. Verkamannasambands Isl. F.h. Vinnuveitendasambands Isl.

Eðvarð Sigurðsson (sign)
Hermann Guðmundsson (sign)

Jón H. Bergs (sign)
Ólafur Jónsson (sign)"

- 1) Fyrir ráðstefnu um kjör láglaunakvenna stóðu auk Rauðsokkahreyfingarinnar, Lója, félag verksmiðjufólks, Starfsstúlknafélagið Sökm, Verkakvennafélagið Framsókn, Verslunarmannafélag Reykjavíkur, Verkakvennafélagið Framtíðin í Hafnarfirði, ASB, félag afgreiðslustúlkna í brauða- og mjólkurbúðum, Starfsmannafélag ríkisstofnana og Ljósmeðrafélag Íslands.

Framundan er 33. þing A.S.I., dagana 29. nóvember til 3. desember n.k. Hefur starfshópurinn því afráðið að leita til allra stéttarfélaga innan A.S.I. til að kynna hugmyndina og fá hana rædda hjá stjórnnum og trúnaðarráðum félaganna.

Væntum við þess að sem flest félög sýni stuðning sinn með því að gera samþykkt og senda hana til miðstjórnar A.S.I. sem allra fyrst en eigi síðar en sex vikum fyrir þing til að knýja á um framgang þessa hagsmunamáls alþýðu. (Okkur þætti vænt um að fá sent afrit af samþykktinni.)

Sífelld fleiri börn eiga foreldra, sem báðir vinna utan heimilis. Í álitum frá ráðstefnu um kjör láglaunakvenna kemur fram að eðlilegra er að jafnaði, að börn séu á dagvistunarstofnunum nærri heimilum, fremur en í tengslum við vinnustaði foreldra.

Starfshópurinn telur að það ófremdarástand, sem nú ríkir í þessum málum, vari um langan aldur nema verkafélagsshreyfingin beiti sér fyrir úrbótum í kjarasamningum.

Það er einlæg von okkar að þið styðjið málið.

Reykjavík, 18. sept. 1976.

F.h. Starfshóps um dagvistunarmál

Elísabet Sveinsdóttir
(Verkafél. Framsókn)

Bergljót Stefánsdóttir
(V.R.)

Rannveig Jónsdóttir
(Rauðsokkahreyf.)